

NATIONALBIBLIOTHEK  
IN WIEN

143846-B

ALT-







115.9.132

DE  
**QUIBUSDAM COLEOPTERIS**  
ITALIAE NOVIS AUT RARIORIBUS  
*TENTAMEN INAUGURALE*

QUOD

ANNUENTIBUS MAGNIFICO DOMINO RECTORE  
ILLUSTRISSIMO FACULTATIS DIRECTORE SPECTABILI B. DECANO  
AC CLARISSIMIS D. D. PROFESSORIBUS

AUSPICE

**J. M. ZENDRINI**

HISTORIAE NATURALIS SPEC.

PROF. ORD.

PRO DOCTORIS MEDICINAE LAUREA RITE CAPESSENDA

**ALOYSIUS ARAGONA**

TICINENSIS

IN CELEBRATISS. I. R. ARCHIGYMNASIO TICINENSI

PUBLICAE DISQUISITIONI SUBMITTIT.

MENSE APRILIS MDCCCXX IN THESES ADNEKAS DISPUTABITUR

IN UNIVERSITATIS AEDIBUS



*Cicini Regii*

EX TYPOGRAPHIA BIZZONI.

*[The page contains extremely faint and illegible text, likely bleed-through from the reverse side of the document. The text is too light to transcribe accurately.]*

*Lector benevole!*

**L**UCUBRATIUNCULAM ad Medicinae Lauream rite capessendam pro more editurus haud diu haesi, quin argumentum ab Insectorum historia depromerem, cui operam non prorsus exiguam quibusdam abhinc annis navavi. Statui ergo nonnullas ex Coleopterorum speciebus Italiae novis aut rarioribus, quae in Collectione praesertim amicissimi Doctoris JOSEPHI GENÉ adservantur, facultate ab ipso humanissime concessa, describere observationibusque illustrare. — Opus, quod aggredior, nec utilitate, nec laude penitus destitutum censi debet, nam pulchrum et decorum Creatoris opera investigari, patriaeque Faunae incrementum promovere. Fave ergo primis hisce conatibus, Lector benevole, ut meliora in posterum gravioraque audeam.







## EX CARABICIS.

---

1. CICINDELA LUGDUNENSIS, *Dej.*

DEJEAN. *Spécies des Coléoptères*. Vol. 1. p. 77.  
N. 61.

**H**anc speciem, quam non ita pridem in Gallia invenere cl. *Foudras* et *Yvan*, frequentem in glareosis fl. Ticini prope Urbem offendimus *Cadolini*, et *ipse*. Turmatim vivit, agilissime evolat, difficilis visu et captu.

2. ODACANTHA MELANURA, *Fabr.*

DEJEAN *Op. cit.* Vol. I. pag. 176. N. 1,  
. . . *Iconographie des Coléoptères d'Europe*  
II. p. 128. N. 1. tab. X. fig. 6.

Pulcherrimus hic Carabicus, Sveciae, Germaniae, Angliae Galliaeque meridionalis incola,

sed in omnibus hisce regionibus perrarus, frequentissimus prope hanc Urbem, inter Suburbium *del Ticino* et *il Gravelone*, apparuit anno 1826, mense Novembre, Ticino fl. exundante. Latitabat sub cortice arborum emersarum, in arundinibus fluitantibus, etc., et centenos plures collegimus nob. *Jos. De Brambilla, Gené*, et ego. Ex eo tempore, quamvis saepe repetitis eadem tempestate eluvionibus, nobis omnibus diligentissime inquirentibus prorsus invisus.

### 3. POLISTICUS FASCIOLATUS.

DEJEAN, *Spéc. d. Coléopt.* Vol. I. p. 194. N. 1.  
 . . . . *Iconograph. d. Coléopt.* II. p. 123. N.  
 1. tab. X. fig. 4<sup>a</sup>

Hujus Insecti rarissimi, cujus habitatio sub lapidibus, teste cl. *Dejean*, in locis humentibus Galliae, Hispaniae, Italiae Russiaeque australioris, sex olim specimina vespere quodam aestivo ad lumen, more *Pyalidum*, quorundam *Harpalorum*, etc., simul advolata in propriis aedibus, *Turbigi*, caepit *Jos. Gené*: nunquam aliter, vel alibi postea.

## 4. OODES HISPANICUS, Dej.

DEJEAN, *Spéc. d. Cléopt.* Vol. II. p. 379. N. 5.

Hanc speciem hispanicam (*Dejean*), indicam (*Westermann*) in agro Ticinensi semel cepit *Jos. Gené*.

5. PTEROSTICHUS BICOLOR, *Peiroleri*.

*Pt. apterus, capite thoraceque subcordato, postice utrinque bistriato, obscure violaceo-aeneis; elytris cupreo-aeneis, nitidissimis, planiusculis, oblongo-ovatis, subparallelis, subtiliter striatis, striis obsolete punctatis; interstitio tertio linea fovearum impresso: antennis pedibusque nigris.*

Long. 0<sup>m</sup>, 012.

Magnitudo, et facies *Pterostichi Jurinei* *Panz.*

Caput ovale, laeve, inter antennis utrinque longitudinaliter impressum: palporum apice rufo. Antennae corporis dimidio breviores, articulis tribus primis nigris, nitidis, nudis: caeteris obscurioribus, villosis.

Thorax capite latior, planiusculus, laeviter cordatus, postice subangustatus, transversim rugulosus, marginibus lateralibus reflexis, tenuissime aeneo-virentibus, linea media longitudinali

striisque duabus posticis utrinque, extima brevior, impressus. Scutellum concolor, minutum, triangulare.

Elytra thorace sensim latiora, parum elongata, planiuscula, subovata, margine extimo reflexo, punctatissimo, tenuissime aeneo-virescenti, postice subsinuato, subtiliter striata, striis obsoletissime punctatis; interstitiis planis, laevibus, tertio dumtaxat linea fovearum 3-4-5 impresso.

Corpus subtus cum pedibus nigrum, nitidum.

Habitat sat frequens sub lapidibus in summis jugis nemorosis Apeninorum agri Derthonensis et Bobiensis, ubi nondum *Pt. Jurinei* inventus (*Gené, Bassi, Peiroleri*): ex agro Piceno unicum exemplar misit cl. *Orsini*.

*Obs.* Color elytrorum in mare splendidior striaeque profundiores: ultimum segmentum abdominis denticulo, seu carinula brevi instructum.

Hunc *Pterostichum*, *Pterosticho Jurinei* (1) absque dubio valde affinem, propriam et distinctam esse speciem cum cl. *Peirolerio* (2) opi-

(1) DEJEAN, *Spécies des Coléoptères*. T. III. p. 363.

(2) Celeberrimus DEJEAN (op. cit. pag. 7.) patriam ignorat cl. hujus Entomologi, cujus nomen in catalogis,

namur. Suadent in primis color elytrorum in omnibus hucusque inventis speciminibus nitidissimus, et absentia pariter constantissima fovearum, seu punctorum impressorum in interstitio septimo. Reliquae differentiae visu potius, quam descriptione percipiendae. Proinde characteres *Pt. Jurinei*, ut distinctior in systemate evadat, sic emendandi:

*Pt. apterus, capite thoraceque subcordato, postice utrinque bistriato, obscure-aeneis vel nigris; elytris cupreo vel obscure-aeneis, planiusculis, oblongo-ovatis, subparallelis, subtiliter striatis, striis obsolete punctatis, interstitio tertio septimoque linea fovearum impressis; antennis, pedibusque nigris.*

---

ut ait, Austriacis frequens, et Noricum suspicatur. Nos vero Italum esse et Augustae Taurinorum degere asseveranter, et lubentissime prodimus.

## EX BRACHELYTRIS.

---

### 6. STAPHYLINUS ITALICUS, *Gené.*

*St. niger, subnitidus; capite thoraceque conferte punctis: elytris rufis.*

Long. 0<sup>m</sup>, 017—0<sup>m</sup>, 020.

Corpus confertissime subtilissimeque punctum, punctura capitis, thoracis elytrorumque majore: elytris abdomineque pilosis, pilis rariu-  
sculis, brevibus.

Caput quadratum, angulis obtusis, thoraci latitudine subaequale: postice linea media longitudinali nitida, obsoleta. Clypeus niger, nitidus, pilis setisque subrufis ciliatus. Palpi rufi, basi fusciscentes. Antennae capite longiores, obscurae, a basi ad apicem sensim rufescentes.

Thorax linea media longitudinali nitida, obsoletissima: scutellum nigrum, subnitidum.

Coleoptra thorace paullulum breviora, rufa (in speciminibus exsiccatis obscure-rufa), thoracis latitudine.

Pedes nigri, tibiis spinulosis tarsisque saepius rufescentibus.

In Apeninis agri Derthonensis, et Bobiensis legit D.r Gené. Habitat sub lapidibus et arborum emortuarum truncis, vere et aestate: haud infrequens.

Species uti nova a plurimis Entomologis clarissimis Galliae et Germaniae jamdudum accepta: ad familiam III Staphylinorum cl. *Gravenhorstii* (*Monograph. Coleopt. micropt.*) referenda: *Staphyl. olenti* punctura, magnitudine et habitu valde affinis, forsitan et *Staphyl. macrocephalo* Helw. et Grav. (nobis invisio); sed clypeus in nostris speciminibus niger, nitidus, numquam testaceus ut in specie citata (Conf. *Gravenhorst, Coleopt. micropt. Brunsvic. pag. 160. 3.*).

#### 7. STAPHYLINUS TRICINCTUS, Gené.

*St. niger, nitidus; capite thoraceque conferte punctis; abdominis segmentis secundo, tertio sextoque aureo-holosericeis.*

Long. 0<sup>m</sup>, 015.

Corpus confertissime subtilissimeque punctum: segmentis 2.<sup>o</sup> 3.<sup>o</sup> 6.<sup>o</sup>que abdominis dense pilosis, pilis longiusculis, adpressis, aureo-holosericeis.

Caput quadratum, angulis obtusis, thorace

vix latius; palpis rufis antennarumque articulis tribus ultimis flavis.

Thorax angulis anticis subrectis, posticis rotundatis; linea media longitudinali nitida, subelevata, obsoletissima.

Coleoptra, thoracis longitudine et latitudine, tenuissime sericantia, punctis crebrioribus et subtilioribus impressa, quam caput et thorax.

Pedes femoribus subincrassatis, nigris, tibiis tarsisque rufescentibus.

E familia III.<sup>a</sup> Staphylinorum *Grav.* -- Species pulcherrima, nec cum quavis alia hucusque descripta confundenda; abdominis pictura *Staphyl. bicincto*, *Rossi* (*Mantissa Insectorum*) quodammodo affinis.

Lectus sub lapidibus in Apeninis Derthonensibus, et Bobiensibus, m. Junio, et Augusto (*Gené* et *Bassi*). Haud infrequens.

#### 8. STAPHYLINUS VENTRALIS, *Gené*.

*St. niger, nitidissimus; thorace seriebus dorsalibus tripunctis; abdomine brunneo.*

Long. 0<sup>m</sup>, 009.

Caput suborbiculatum, glaberrimum, antice fovea lata, circa et pone oculos foveolis setigeris impressum: antennis palpisque brunneis.



Thorax suborbiculatus, antice recte truncatus, convexus, glaberrimus, seriëbus dorsalibus 3, lateralibus 4, marginalibus 2-punctis. Scutellum glaberrimum, punctis quatuor impressum.

Elytra thoracis latitudine, punctis raris, crassiusculis impressa, pilosa; alae infuscatae.

Abdomen laete brunneum, pilis raris, setisque (praesertim ad margines) instructum.

Pedes obscure brunnei.

E familia I.<sup>a</sup> Staphylinorum *Grav.* — Species, uti videtur, a confamiliaribus satis distincta colore abdominis. — Unicum exemplar legit D.R. *J. Gené*, ad lympham quercus roboris in valle Ticini, m. Junio.

9. *PAEDERUS MELANURUS*, *Gené*.

*Paed. nitide-flavus*, abdominis apice nigro.

Long. 0<sup>m</sup>, 006.

Caput et thorax laevia, parce vageque puncta, setis raris longiusculis: palporum, mandibularum summo apice oculisque nigris: antennis flavis.

Elytra crasse et vage puncta, pilosella.

Abdomen segmentis duobus ultimis nigris, nitidis: pedibus flavis.

Species eximia, statura, magnitudine partiumque forma, proportione ac punctura *Paederum riparium* referens: rarissima. — Primum reperit prope Ticinum Regium, in sylvis a Ticino, m. Novembris 1825, inundatis *De Brambilla*; dein eodem tempore et locis D.r *Jos. Gené* et *ipse*.

## EX SERRICORNIBUS.

---

### 10. TILLUS PERSONATUS, *Gené*.

*T. niger*, nitidus; capite postice thoraceque rufis: *elytris fascia media alba*.

Long. 0<sup>m</sup>, 006 — 0<sup>m</sup>, 008.

Corpus elongatum, cylindricum.

Caput elongatum, rufum, facie usque ad oculos nigra (inde nomen specificum), punctis crassis, saepe confluentibus impressum, pilosum, pilis raris, lutescentibus, erectis. Oculi nigri, intus paulum emarginati. Antennae ante oculos insertae, nigrae, articulis primis quatuor rufis, conicis, teretibus; sequentibus sex latis, compressis, trigonis, in dentem ad latus internum prominulis; apicali ovato-conico, producto. Palpi rufi, filiformes; labialium apice vix dilatato, recte truncato.

Thorax rufus, rugulosus, antice linea circumambiente impressa, postice angustior, subcoarctatus; pilosus, pilis raris, lutescentibus, erectis; sterno nigro. Scutellum minutum, rotundatum, brunneum.

Elytra nigra, nitidissima, laevia, cicatriculis parce et vage impressa, fascia media transversa albida, vix lutescente: alae infuscatae.

Abdomen pedesque nigra, nitida, pilosa; tarsis rufis, articulis 5 distinctis.

Elegantissimi hujus Insecti semel tantum tria specimina supra lignum antiquum cursitantia caepit *Jos. Gené*, aestivo tempore, *Turbigi*.

Uti patet ex plerisque in descriptione allatis, species ad *Tillos Latr.* (*Genera Crust. et Ins.*) referenda: habitu tamen, nec non antennarum et palporum forma, aliquantulum a speciebus hujus Generis nobis cognitis recedens (*Tillus ambulans, elongatus, unifasciatus*) — Corpus angustius, magisque cylindricum. Antennae abrupte ab articulo quinto, non a tertio vel quarto ut in speciebus relatis, dilatato-seratae. Palporum labialium articulus ultimus apice equidem truncato, sed vix sensim a basi ad apicem dilatatus, nec ullo modo securiformis.

11. ANOBIUM COSTATUM, *Gené.*

*A. fuscum, griseo-sericeum: thoracis dorso gibbo, postice compresso-acuminato; elytris striato-punctatis, interstitiis primo tertioque elevatis.*

Long. 0<sup>m</sup>, 004.

Corpus oblongum, angustum, tenuissime sericans.

Caput ovatum, sub thoracem inflexum, oculis nigris, antennis palpisque rufescentibus.

Thorax coleoptris angustior, dorso gibbo, postice compresso-acuminato (ut in *An. striato*, *Illig.*), utrinque subfoveolatus, subtiliter et conferte punctatus: scutellum quadratum, pube lutescente obtectum.

Coleoptra abdomine latiora et longiora, humeris prominulis, apice sub-truncato, profunde striato-punctata, interstitiis primo tertioque, a sutura, valde elevatis, costatis. Costa prima ad medium circiter longitudinis elytri exoriens usque ad apicem solitaria extenditur; secunda, e basi educta, ante apicem cum reliquis interstitiis in plexum seu anastomosin coit: plaga apicalis elytrorum profunde et temere punctata, punctis saepe confluentibus.

Abdomen infra nitide griseo-sericans, pedibus rufescentibus.

Semel lectum sub cortice fagi in Apeninis  
Bobiensibus tempore aestivo (*Gené*).

12. PTINUS ITALICUS, *Chevrolat* in litt.

*Pt. fuscus*; thorace inaequali, antice supra carinato, postice valde coarctato; elytris luteo-villosis, fascia media dentata, fusca.

Long. 0<sup>m</sup>, 004.

Corpus elongatum, alatum.

Caput parvum, inclinatum, pube sublutea brevi, adpressa, densissime tectum; fronte laeviter sulcata. Os cum palpis rufum. Antennae, corpori longitudine aequales, inter oculos insertae, rufae, villosulae, subsetaceae, articulo 1.<sup>o</sup> crasso, subincurvo, 2.<sup>o</sup> brevissimo obconico, basi intus emarginata; reliquis cylindricis, gradatim longioribus, et gracilioribus.

Thorax brevis, cylindricus, coleoptris dimidio angustior, antice oblique truncatus, supra carinatus, pone medium valde coarctatus, fasciculato-pilosus (fasciculis 4). Scutellum minutum, villosum.

Elytra a basi ad apicem sensim latiora, striata, striis punctatis, dense luteo-villosa, fascia media transversa dentata, obscura, fere depili. Alae fuscae.

Abdomen brunneum, vel nigrum, nitidum.  
Pedes rufi.

Specimina hucusque observata, uti patet ex descriptione, forsan mascula. — Primum reperi- tus ad parietes aedium antiquarum in provincia Ticinensi et Mediolanensi a D. *Jos. Gené*, postea a DD. *Jos. Brambilla* et *Antonio Villa*. Rarus.

Insectum a congeneribus egregie distinctum, a *Jos. Gené* communicatum, ex patria nominavit cl. *Chevrolat*, Entomologus parisiensis.

## EX CLAVICORNIBUS.

---

### 13. SCAPHIDIUM BOLETI, *Panz.*

PANZER. *Fauna Insectorum Germaniae*, fasc. XII. 16.

Hoc Scaphidium in Catalogis clariss. *Dejean* et *Dahl*, nomine saltem Panzeriano, desideratum veram esse speciem, nec cum varietate picea *Scaph. agaricini* confundendam putamus. Argumenta, queis praesertim innitimur, statura, antennarum forma, et elytrorum punctura sup- peditant. — Statura *Scaph. boleti* paullum major, et latior: antennae, ut bene monuit cl. Panzer,

omnino filiformes, nec ullo modo versus apicem incrassatae : punctura elytrorum crassior, sub lente mediocri egregie conspicua.

*Obs.* In Scaphidio agaricino antennarum articuli tres ultimi, oculo armato inspecti, caeteris crassiores.

Unicum exemplar, in Boletto versicolore putrescente lectum *Turbigi*, extat in collectione *D.ris Gené*.

## EX PALPICORNIBUS.

---

### 14. HYDROPHILUS SPINOSUS, *Steven*.

SCHÖNHERR, *Synonymia Insect.* Vol. II. pag. 8. N. 33.

DEJEAN, *Catalogue des Coléoptères.*

Insectum hoc singulare, cujus patria hucusque cognita Russia duntaxat meridionalis, in stagno quodam prope *Turbigo* bis legit *Jos. Gené*: ergo et italica civitate donandum.

## EX TRACHELIDIBUS.

---

### 15. LAGRIA GLABRATA, Oliv.

OLIVIER, *Entomolog.* T. III. 49. pag. 5. N. 3.  
tab. 1. fig. 3.

SCHÖNH. *Syn. Insect.* Vol. III. pag. 10. N. 11.

*Lagria tristis* BONELLI, Specimen Faunae  
subalpinae, fascicul. 1. (Confer *Memorie della*  
*Società agraria di Torino.* Tom. 9. 1812).

In viis et cultis sabulosis, aridis, saepius  
in ericetis prope *Turbigo* aestivo tempore le-  
cta (*Gené*). Rara.

Habitus omnino hujus Generis. Differt a *La-*  
*gria hirta* et *pubescenti* statura brevior, et  
convexiore; antennis extrorsum crassioribus, ar-  
ticulo ultimo in utroque sexu conico, minime  
elongato; thorace crassiore, supra longitudina-  
liter sulcato; coleoptris ovatis, duriusculis, pube  
brevi obtectis; alis nullis. -- Incessus gravis, tri-  
stis, unde forsàn nomen *Bonellianum*.

### 16. MELOE BILINEATA, Gené.

*M. nigra*: capite, thoraceque transverso pun-  
ctatis; antennis subsetaceis; elytris punctis



*latis, erosis, confluentibus, lineaque media longitudinali elevata.*

Long. 0<sup>m</sup>, 016.

Caput subrugosum, nigrum, linea longitudinali impressum, sub lente punctis numerosis impressis, saepe confluentibus, notatum: clypeo labroque pilosis, pilis rigidis, longiusculis. Antennae capite quadruplo longiores, articulis omnibus cylindricis, nigrae, subpilosae, a basi ad apicem sensim attenuatae.

Thorax brevissimus, capite angustior, transversus, niger, punctis confluentibus, sulculo medio foveolaque utrinque semicirculari impressus; postice emarginatus.

Elytra nigra, punctis latis inaequalibus erosis-confluentibus lineaque tenui, ab humeris ultra medium disci extensa, elevata.

Abdomen atrum, subtiliter punctatum et striolatum.

Pedes nigri, pilis brevissimis, atris, rigidis, obtecti.

*Meloe autumnuli* (1) affinis. Unicum exemplar legit in agro Ticinensi *Cadolini*.

---

(1) Synopsis Specierum Generis *Meloe* auct. D.re LEACH.  
Conf. Linn. Soc. Lond. Transact. T. XI.

17. *MELOE FASCICULARIS*, *Gené.*

*M. obscure-nigra, luteo-villosa; capite thoraceque transverso punctatis; elytris rugosis; segmentorum abdominalium marginibus postice fasciculato-pilosis.*

Long. 0<sup>m</sup>, 014. ?

Caput punctis crebris, interdum confluentibus lineaque media longitudinali impressum, villosum, villis brevibus, reclinatis, luteis; clypeo utrinque labroque toto setis rigidis, longiusculis, luteis, densissime ciliatis.

Thorax transversus, capite angustior, luteo-villosus, punctis crebris, sulculo medio obsoleto foveaque utrinque impressus, angulis posticis rotundatis, medio emarginatus.

Elytra luteo-villosa, foveolis latis, inaequalibus, confluentibus impressa.

Abdomen infra nigrum, nitidum, depile, subtiliter striolatum; supra luteo-villosum, segmentis postice pilis luteis longioribus, densissimis, fasciculato-ciliatis.

Pedes nigri, nitidi, pilis luteis brevissimis, rigidis, obtecti.

Semel tantam emortua, immo exsiccata, an-

tennis pedibusque mutilatis, in agro Mediolanensi, verno tempore inventa (*Gené*).

*Obs.* Antennae conjecturâ filiformes, minime fractae.

18. APALUS BIMACULATUS, *Fabr.*

*FABR. Syst. Eleut.* 2. pag. 24. ♂

*PANZ. Faun. Insect. Germ. fascic. CIV.* 4. ♂

*SCHÖNH. Synonym. Insect.* 2. pag. 341. 1. ♂

Notas quibus femina hujus speciei a mare differt, in descriptionibus et iconibus auctorum desideratas, comparatione inter sexum utrumque instituta, hic breviter exponam.

*Mas.*

Antennae corporis longitudinem subaequant.

Caput et thorax pilosissima, nigerrima.

Abdomen nigerrimum, nitidum.

Pedes nigri, tarsi vix rufescentibus.

*Fem.*

Antennae corporis dimidio breviores.

Caput et thorax vix pubescentia, saepius obscure brunnea.

Abdomen flavum, macula nigra triangulari utrinque in singulo segmento.

Pedes saepius obscure brunnei.

Species haec in collectionibus rara, Europae borealis, praesertim Sveciae ut perhibent auctores, incola, circa hanc Urbem frequentissima

illico post nivis deliquium occurrit. Mas ocysissime volat et cursitat: femina tarda, ventricosa, in herbis latet vel reptat.

## EX RYNCHOPHORIS.

### 19. NANODES ANULATA, Gené.

*N. nigra, nitida; pedibus flavis, tibiis anulo nigro.*

Long. 0<sup>m</sup>,0025 — 0<sup>m</sup>,003.

Rostrum a basi usque ad antennas supra bisulcatum, apice laevi. Antennae scapo flavo, funiculo clavaque obscurioribus.

Thorax villosus, villis subluteis, longiusculis, raris, incumbentibus.

Elytra profunde striata, striis latis, punctatis, villosula, villis subluteis, brevibus, suberectis.

Pedes flavi, tibiis anulo, tarsorumque articulis apice nigris.

*Obs.* Color flavus in speciminibus exsiccatis rufus evadit. — Habitus omnesque alii characteres perfecte hujus Generis, quod in accuratissima Curculionidum Monographia nuper instituit cl. *Schönherr*. — Habitat in herbis umbrosis nemorum Vallis Ticini, prope *Turbigo*, haud infrequens aestate.

## EX LONGICORNIBUS.

20. SAPERDA GENÉI, Chevrolat in litt.

*S. brunnea*; antennis ultra basin fusco-anulatis; thorace helvolo-piloso, utrinque unidentato; elytris apice singulatim oblique truncatis.

Long.  $\left\{ \begin{array}{l} \text{Mas. } 0^m, 006. \\ \text{Fem. } 0, 007. \end{array} \right.$

Corpus lineare.

Caput breve, helvolo-pilosum, immixtis pilis longioribus, albicantibus, erectis: oculi lunati, nigri: vertex inter et pone antennis sulcatum: antennae in oculorum sinu insertae, corpore longiores in *mare*, corpori subaequales in *femina*, setaceae, pilosae, articulo primo magno, elongato-ovato, apice subtruncato; secundo brevissimo, subcylindrico, tertioque elongato, brunneis; sequentibus 4-11 sensim angustioribus, late fusco-fasciatis.

Thorax cylindricus, elongatus, postice subcoarctatus, dense helvolo-pilosus; pilis adpressis, versus latera radiantibus; utrinque valide unidentatus, dente obtuso, rotundato: in medio dorsi lineola (in plerisque speciminibus conspicua) abbreviata, nigra, nitida, impressa. Scutellum pilosum vix conspicuum.

Elytra antice thoracis basi latiora, postice sub-attenuata, apice singulatim oblique truncata, proinde dehiscencia, convexa, pilis cinerascentibus, breviusculis adspersa, confertim punctata.

Abdomen pilosum, segmento ultimo integro in *mare*, truncato profundeque emarginato-impreso in *femina*.

Pedes mediocres, brunnei, pube rariuscula cinerascente, incumbente, pilisque longioribus, erectis, tecti.

Species paradoxa, habitu ad *Saperdas geminans* (Schönherr, *Synonymia Insectorum*, vol. III.), thorace ad *Pogonoceros*, Meg. accedens; forsitan in peculiare subgenus, teste cl. Lasserre, cum quibusdam *Saperdis* exoticis, imprimis Brasiliensibus, redigenda. — Specimina tredecim, sex annorum decursu, invenit D.r Jos. Gené sub quercuum muscis hyberno tempore in sylvis Vallis Ticini prope *Turbigo*: nondum alibi, vel alia tempestate.

Nomen in honorem Inventoris imposuit cl. *Chevrolat*.

#### 21. CLYTUS CORDIGER, Gené.

*C. niger*, cinereo-pubescentis, thorace maculis tribus atris, media obcordata; elytris strigis tribus punctoque humerali albis.

An *Clytus* hic species propria et a *C. Plebejo* distincta, vel potius insignis ejusdem varietas sit censendus summopere dubitamus. Statura, magnitudine partiumque forma et proportione, nec non elytrorum pictura ambo perfecte conveniunt: sed thorax in *C. plebejo*, penes omnes Auctores, quos novimus, immaculatus, in nostro e contra, maculis tribus atris, saepissime egregie conspicuis, notatur ( fere ut in *Cl. Verbasci* ), extimis punctiformibus, media magna obcordata, antice acuminata. — Momentum hujus notae judicent Autoptae.

Habitat non frequens in agro Ticinensi, Mediolanensi, et Brixiensi ( *De Brambilla*, *Gené*, *Joli*, *Cadolini* et ipse ).

## EX CYCLICIS.

---

### 22. CHRYSOMELA ELEGANS, *Gené*

*Ch. viridi-aenea*, nitidissima, temere punctata; elytris vitta media aurea.

Long. 0<sup>m</sup>, 007.

Ad *Linus* Cl. MEGERLE von MÜHLFELD referenda.

Facies *Chrys. gloriosae*, sed statura lunge minor.

Caput cum palpis et antennis viridi-aeneum, vertice oculisque aureis, parce punctatum.

Thorax coleoptris angustior, margine utrinque reflexo, incrassato, disco temere, et subtiliter punctato.

Elytra punctis crebris, crassis, inordinatis impressa, vitta media, in singulo, aurea, nitidissima, vix apicem attingente.

Corpus subtus viridi-aeneum, nitidissimum: pedes concolores, tarsis infra rufescentibus.

In omnibus, quos hucusque inspicere licuit libris entomologicis, frustra hanc speciem pulcherrimam et facile designandam quaesivimus. Habitat turmatim in *Senecione saraceno*, quem larva et imago depascitur, in Apeninis Derthonensibus et Bobiensibus, primo vere et aestate (*Gené, Bassi*).

*Lina Senecionis, Dahl* (nobis ex nomine tantum nota (1)) ab hac nostra plane diversa

---

(1) DEJEAN *Catalogue des Coléoptères.*

DAHL *Coleoptera und Lepidoptera. Verzeichniss. etc.*



29

teste cl. von Gyssele in litt. doctori Gené nuper datis.

## EX FUNGICOLIS.

---

### 23. DASYCERUS ECHINATUS, Gené.

*D. ferrugineus*: *elytris costatis, costis elevatis, echinatis.*

Long. 0<sup>m</sup>, 002.

Caput depressum, rugosum, antice subproductum, utrinque supra oculos marginatum: oculi inferi, globosi, prominuli, nigri: antennae omnino *Dasyceri sulcati*, Brongn., 11-articulatae, articulis 2 primis crassis, globosis; intermediis 5 gracillimis, vix conspicuis, apice singulatim subcrassioribus; ultimis 4 globosis, distantibus, versus apicem sensim majoribus, pilosis, pilis longissimis, radiantibus.

Thorax capite sensim latior, coleoptris longe angustior, subtransversus, hexagonus, angulis lateralibus valde acuminato-productis; dorso costis duabus elevatis inaequalibus.

Elytra convexa, abdomen cingentia, margine extimo costisque tribus elevatis, acutis, echinatis (idest spinulosis, spinulis brevibus,

obtuse truncatis ); costa prima, utrinque a sutura, circa scutelli regionem valde elevata: interstitiis punctatis, punctorum profunde impressorum duplici serie.

*Dasycerus sulcatus*, Brongn., e descriptione, et iconibus (1) nobis tantum cognitus, huic nostro certe affinis: in illo tamen thorax utrinque minus acute productus, costaeque elytrorum laeves, neo circa scutelli regionem elevatae.

Unicum exemplar, cum *Pselapho securigero*, Reichenbach (*Monographia Pselaphorum*) legit olim Jos. Gené, in nemore Vallis Ticini prope Turbigio, sub lapidibus, post imbrem, m. Novembris.

Obs. Cl. Duméril characteres Generis *Dasycerus* enumerans perperam dixit: *tête plus large que le corcelet*. Contrarium praebent descriptio cl. Brongniarti ipsiusque *Dumerilii* icon. Forsau menda typografica.

FINIS.

---

(1) Ancien Bulletin de la Soc. Philomatique. T. XI. pag. 115. N. 39. pl. 7. fig. 5. a, b, c, d.

DUMÉRIL. Considérations générales sur les Insectes. pag. 197. pl. 21.

## THESES DEFENDENDÆ.

## I.

*Contagiorum actio sympathica tantum,  
nunquam idiopathica.*

## II.

*Indoles parotitidis ptycticae rheumatica.*

## III.

*Virus hydrophobicum medium inter ve-  
nera et contagia locum tenet.*

## IV.

*Rete malpighianum nequit substratum  
exanthematibus praeberè.*

## V.

*Cataracta glaucomatosa non est morbus  
operationi opportunus.*

## VI.

*Vertigo non visus, sed sensus commu-  
nis adfectio.*









**Österreichische Nationalbibliothek**

